



Markaðspunktur í dag:


- Spáum verðhjöðnun í júní

Spáum verðhjöðnun í júní

Vísitala neysluverðs mun **lækka um 0,2%** í júní samkvæmt okkar spá. Mun 12 mánaða verðbólga þá mælast 5,8% samanborið við 7,5% í maí. Skattaleiðrétt verðbólga mun þá lækka niður í 4,7% en hún mælist nú 6,1%.

Mikil lækkun eldsneytisverðs í mánuðinum ræður mestu um lækkunina, en þó er einnig útlit fyrir að fleiri þættir, s.s. matvara og nýir bílar vegi til lækkunar.

Verðbólguþá, %



Nokkrir hlunkar vega þungt til lækkunar

Mestu áhrifin til lækkunar eru vegna eldsneytislækkunar sem gæti lækkað vísitöluna um u.þ.b. **0,3%**. Við gerum enn fremur ráð fyrir að lækkun matvöruverðs muni hafa u.þ.b. **0,2%** áhrif til lækkunar. Loks gerum við ráð fyrir að verðlækkun á nýjum bílum lækki vísitöluna um u.þ.b. **0,2%**.

Samtals gerir þetta 0,7% áhrif til lækkunar. Gangi þessar forsendur eftir þyrftu aðrir liðir vísitölnnar að hækka ansi mikið ef niðurstaðan þennan mánuðinn ætti að vera yfir núllinu. Að sama skapi gæti verðhjöðnunin allt eins orðið meiri en við spáum ef aðrir liðir vísitölnnar verða spakir að þessu sinni.

Einhverjir liðir munu hinsvegar hækka

Líkt og mánuðinn á undan gerum við ráð fyrir að ýmsir liðir hafi smávægileg áhrif til hækkunar vísitölnnar í júní. Þar má t.d. nefna **árstíðabundnar hækkarnir** sem tengjast sumarvarningi. Þessi

áhrif komu raunar að einhverju leyti fram í maí sl. en við gerum ráð fyrir að þessi áhrif megi einnig merkja í júní. Spá okkar miðast við **0,1% áhrif húsnæðisverðs** til hækkunar á vísitöluna en raunin gæti þó orðið einhver allt önnur, enda er erfitt að spá fyrir um mánaðarlegar breytingar á þessum lið. Vísitala íbúðaverðs hjá Fasteignamatinu hækkaði töluvert í síðustu mælingu eða um 1,9% sem gæti verið vísbending um einhver hækkunaráhrif húsnæðisliðarins.

Rifjum upp maí

Vísitala neysluverðs hækkaði um 0,41% í maí sl. og lækkaði því 12 mánaða verðbólga í maí í 7,5% samanborið við 8,3% verðbólgu í apríl. Verðbólgan reyndist hærri en greiningaraðilar höfðu spáð og kom mest á óvart að húsnæðisverð hækkaði vísitöluna um 0,15% í þeim mánuði. Af öðrum liðum sem hækkuðu umtalsvert má nefna að flugmiðar hækkuðu vísitöluna um 0,1%, reiðhjól og annað álíka hækkuðu hana um 0,06% og „stærri tæki“ hækkuðu vísitöluna um 0,09%. Sennilega voru fyrrgreindar verðlagshækkanir að töluverðu leyti árstíðabundnar hækkanir sem rekja má til sumarkomunnar, og námu þessi áhrif um 0,25% samanlagt.

Markaðspunktur Greiningardeildar Arion banka		
Ásdís Kristjánsdóttir	asdis.kristjansdottir@arionbanki.is	444-6968
Davíð Stefánsson	david.stefansson@arionbanki.is	444-6965
Fannar Jónsson	fannar.jonsson@arionbanki.is	444-6962
Þorbjörn Atli Sveinsson	thorbjorn.sveinsson@arionbanki.is	444-6973
Þórhallur Ásbjörnsson	thorhallur.asbjornsson@arionbanki.is	444-6967
Ábyrgðarmaður: Ásgeir Jónsson		

Fyrirvari

Þær skoðanir og spár sem hér koma fram eru byggðar á almennum upplýsingum sem Greiningardeild Arion banka hefur undir höndum þegar markaðspunktur eru ritaðir. Helstu heimildir eru ársskýrslur, afkomufundir og hluthafafundir auk annarra opinberra upplýsinga sem birst hafa í fjölmiðlum og á öðrum vettvangi. Upplýsingar í umfjöllun eru einungis birtar í upplýsingarskyni og þær ber ekki að skoða sem tilboð á einn eða annan hátt. Skoðanir og spár geta breyst án fyrirvara. Þrátt fyrir að þess sé sérstaklega gætt að upplýsingarnar séu réttar og nákvæmar þegar þær eru settar fram getur Arion banki, eða starfsmenn Arion banka ekki tekið ábyrgð á villum. Vinsamlegast hafið samband við markaðsviðskipti Arion banka eða ráðgjafa áður en gengið er frá viðskiptum sem byggja á þessum markaðspunktum. Arion banki hf. og starfsmenn félagsins taka ekki ábyrgð á því ef að gengi einstakra bréfa sem félagið mælir með kaupum á kunni að lækka og öfugt.

Arion banki, starfsmenn Arion banka, stjórnarmenn eða aðilar tengdir Arion banka kunna að eiga hagsmuna að gæta varðandi einstök félög sem greiningar, verðmatsskýrslur og annað útgáfuefni Greiningardeildar Arion banka lýtur að hverju sinni. Hagsmunir kunna að vera ýmsir t.d. sem hluthafar eða ráðgjafar í einstaka félögum, umsýjónaraðilar útboða, viðskiptavaki útgefenda eða hagsmunir sem lúta að annarri veittri fjárfestingabankþjónustu.

Athugasemdir, ábendingar og fyrirspurnir tengdar markaðspunktum sendist á netfangið greiningardeild@arionbanki.is